

威縣志續修一冊

威續

縣志書

修一冊

張繼題



# 威縣志續修一冊

河渠

宋村營村西有枯河一道或云朱家河或云趙王河其說不經殊未敢信河槽則迤邐東北行經義合營村北章華村東南又東北經董呂莊范家莊等村至南宮界合於老漳河土人云上游由小河鄭河等村來小河舊名五河口鄭河則故河牀也以地勢攷之馬橋村西有沙河一道上承老漳河下游則與此河相屬山前之說河自西來或洺水之尾閘由後之說派由漳分殆其支渠歟



民國十四年度威縣地方財政收支一覽表

| 款別         | 接收額                  | 新收額                  | 支付額                 | 結存額     | 透支額      | 備考                |
|------------|----------------------|----------------------|---------------------|---------|----------|-------------------|
| 自治款        | 欠洋二三三.三六             | 洋五〇二六.九八<br>錢二八.八九二  | 洋四七三.一四<br>錢二八.八九二  | 洋六一.七四六 |          |                   |
| 警款         | 存洋二七三.六六<br>錢一四〇.六六  | 洋一七八三.六四             | 洋二〇〇三.二四<br>錢一四〇.六六 |         | 洋一八九.三五五 | 向來入不敷出            |
| 學款         | 欠洋三二〇.五五<br>錢四一.八七三  | 洋一二七二.五五<br>錢六九一.八七一 | 洋一二四三.五二<br>錢六五〇.   |         | 洋五二.四七九  | 係教育局欠因花<br>行捐二宗未交 |
| 團款         | 存洋一八四.六八<br>錢二六三.八〇  | 洋一七〇七.一              | 洋一七四九.六六<br>錢二六三.八〇 |         |          |                   |
| 五角附捐       | 存洋六四.六六<br>錢五八.九三    | 洋一六二六.六八<br>錢五〇四.八   | 洋二七二.八六<br>錢五六三.七三  |         | 洋一〇八七.三五 | 臨時支應由此項<br>下執借    |
| 實業局<br>農會  | 欠洋一四四.〇六<br>存錢一四〇.六六 | 洋一三五三.九五             | 洋一二四三.七〇<br>錢一四〇.六六 |         | 洋三四.二五四  | 係農會欠款             |
| 公益捐        | 無                    | 洋三五八.〇四              | 洋三五二.九五             | 洋五〇.五   |          |                   |
| 圖書館<br>演講所 | 無                    | 洋一三三.四四              | 洋一六〇.               |         | 洋二六.五五八  |                   |
| 教育會        | 存錢五八三.〇三<br>洋一九.一六九  | 洋一六九九.三五<br>錢三〇.六九八  | 洋一三五.二九<br>錢八九〇.    | 洋五六.四〇六 |          |                   |

警截曠

無

洋九三·九〇一 洋九三·九〇一

團截曠

無

洋七五·九三 洋七五·九三

倉 穀

存

債票四三〇·  
洋三二二·三六四

無

無

債票四三〇·  
洋三二二·三六四

守望社

無

洋一〇六二·

洋一〇六二

縣志局

無

洋三六〇·

洋三四〇·

洋二〇·

合 計

洋九四二·二九三 洋一二八九四·四五  
淨虧洋一一九五二·一五八

說

洋以元爲單位錢以吊爲單位均以小數點標誌理合聲明  
此表以三月爲年度始自十四年三月一日起至十五年三月一日止

明

## 兵制

八縣聯防其成立與組織新志載之詳矣嗣以匪氛稍靖士紳請乞遂於民國十四年五月一律撤消茲節錄往來電文以誌其始末八縣機關首領請求取消指揮處代電竊冀南自民九亢旱匪氣四起十五旅劉團長於民國十一年督隊來威籌辦威平八縣聯防指揮處地址假縣立高級小學校額定經費除由各縣分攤外其餘一切供應以威人擔負爲最重數年以來冀南盜匪經劉指揮之收撫龐指揮痛剿業經一律肅清各縣力籌善後均已添練團防以謀自衛辦理清鄉以絕亂萌匪氣無自而起指揮處即等駢枝機關似無存在之必要去年直奉役起指揮官均已率隊他調指揮處形同取消數月前雖有趙指揮來威暫住不久亦隨第三軍赴豫現僅委一楊督練代理本無帶來之軍隊徒存指揮之名除由縣派游擊隊數名充作差役看守房舍外其他無所事事伏思指揮處本爲剿匪而設匪既肅清卽無應辦之職務若有名無實勉強維持徒重地方之負擔轉失設立之本意議長等忝爲人民代表睹此地方匪患既平民困未蘇惟有合詞籲懇

請省督

憲俯念人民擔負日重

將威平八縣聯防指揮處准予裁撤不勝翹企待命之至 鎮守使覆電貴會主張允屬正當至深欽佩極表同情茲擬將冀南所屬威平成肥濮東三區聯防指揮處均定於五月三十一日一律撤消

威城自八縣聯防撤消無駐防兵者六閱月至十二月五日國民第三軍補充第一團第三營來威駐防紀律明肅一洗他軍恫嚇敲詐之風威民之福也翌年二月該團團長劉翼峯率所部由永年開來步兵一營砲兵兩連騎兵一連並原駐之一營約千餘人分駐城內外而團部設於關岳廟小學校迄三月十日晨全部開赴肥鄉而威城又無兵矣城南一帶土匪乘機竊發合八九桿百餘人圍攻村落越人效貨自南而北被害者數十村庄當是時威民望軍隊之來相拯也如望歲焉四月二十六日十五旅第四團第三營來威駐守而民心稍慰近該團團部亦移於威駐節縣立高級小學校西偏舊洛陽書院內

#### 右駐防軍隊

威之地當大名赴天津孔道軍興以來師旅遷移朝南暮北往來頻煩而爲害亦最



酷民國十四年五月直隸陸軍第三混成旅第一團由山東德縣開赴南樂十月該旅第三團一二營迫擊砲一連約千五百人自東光移防大名均取道威城然紀律尙明肅供給之外幸未肆擾十一月該旅自大名北歸又道威境西北部失敗之餘紀律大不如前沿路所經若王家撞魚堤等村財物牲畜爲所擄掠殆難悉數而國民二軍之王團尤爲暴橫王團者國民二軍第一旅第一團團長王振聲之部曲也計有騎兵三連步兵一連於十二月二日由鷄澤來威假寓縣公署需索銀幣及槍枝甚急卒以萬四千圓快鎗八十枝付之而去自是過境之兵皆三五零星不足記述矣

#### 右過境軍隊

按軍隊過境厥害有二一供給二擄掠而擄掠之害尤甚於供給供給損失不過財物耳擄掠則肆凶暴縱殘殺精神上之損失實有不可以言喻者諸軍之過吾威也其末至擄掠亦僅矣

又按上列兩項特其重且大者耳他如收鎗之隊募兵之營此去彼來率以辦公

爲名詐財爲的皆俗所謂虎而冠者也而宵小者流爲虎作倀以故小康之家被累者比比

威縣保衛團之成立新志已詳哉言之近以軍事影響迭經改編爰分述於後

第一期保衛團改編爲保衛隊 民國十四年六月十六日大名道尹岳珂訓令查道區全境東西南三面與魯豫晉等省毗連交錯匪徒出沒靡常防務向稱重要近歲以來各縣因警力不足紛紛編練民團名目不一情形參差而流弊滋多目下時局未靖地方防務加嚴既不能事事仰賴於省軍則改良地方團隊畫一編練重定約束以備緩急實爲道區全境切要之圖云云且規定改編辦法六條限七月底一律編竣改編之法由六區保衛團內各抽出團丁二十五名餘皆遣散歸農并益以游擊隊七十名共二百二十名編爲兩中隊設大隊長一人中隊長二人分隊長六人仍分駐各區以資防衛

第二期保衛隊改編爲警備隊 保衛隊成立後未幾又奉改編之令九月初旬威縣保衛隊改編爲大名警備隊二團二營五連開赴肥鄉駐防於月之二十九日道

經曲周適值直軍北歸人心惶恐遂與平鄉等處警備隊全體譁變幸威縣兵士尙守規律得整隊而歸歸後由官紳發餉收械悉解散歸農

第三期改編守望社 警備隊解散後土匪又起官紳恐防禦無人禍且不測乃招募土勇五十名組織自衛隊以資鎮懾嗣以自衛隊有營隊之名恐爲上憲所收編遂於十五年四月又改組爲守望社分駐城鄉

### 右民團改編

## 義學

魚台義學

清光緒間村人安桂清等捐貲立有學舍一所學田六十五畝有奇可參觀金石志魚台義學碑記

## 學校

模範初級小學校

名稱 城內區立模範初級小學校

地址 城內南街關岳廟凡佔用舊有平房十間新築平房十三間樓房三間其分

配及數量列表於左

| 分配        | 數量      |
|-----------|---------|
| 分 配       | 數 量     |
| 教 室       | 一 十 二 間 |
| 校 長 室     | 二 間     |
| 教 員 室     | 四 間     |
| 教 授 豫 備 室 | 二 間     |
| 圖 書 室     | 三 間     |
| 商 店 工 作 室 | 二 間     |
| 厨 房       | 二 間     |

按此項修繕費由縣署籌撥一千六百二十六元紳董捐助七百一十二元  
拍賣公產二百元本校補充四百五十三元共計二千九百九十一元

組織 學生分四班一年級四十七人二年級五十一人三年級五十二人四年級

三十人校長一人兼會計教員四人兼庶務

經費 學田兩頃六十七畝八分年租四百三十四元基金二百一十三元五角年

利二十一元六角一分房租五十五元七角二分學款補助一百三十元

### 歷史

此校成立於民國十四年暑假後先是城內初級小學校有四街及黃家街五所辦理既乏系統教學又不方便苟事敷衍難望起色城內紳董暨教育當局久欲併爲一校以資整頓民國十四年春縣長崔公笑如重提此議教育局長徐步湘與城內紳董均贊成之校長趙以鏞復任勞任怨擘畫經營卒底於成

### 節孝祠初級女校

名稱 縣立女子小學校分校

地址 本城西街節孝祠凡佔用舊有祠堂三間新建東西房六間

按建築廂房修繕垣牆共用款九百九十元由縣署籌撥

經費 由縣立女子小學校撥給

### 歷史

此校成立於民國十五年春先是節孝祠祭典廢弛祠基漸爲住戶所侵佔民國十四年春笑如崔公攝威篆適奉省長褒揚節孝之諭因議恢復節孝

祠二八月祭典以資勸導詢知祠堂所在乃大行清理將民房拆去擬卽其地建立女校但僅祠堂三楹前無門周無垣瓦礫堆積頗不適用乃命教育局長徐步湘教育會副會長賀鵬振鳩工庇材監修東房三間西房三間大門一間外環以牆至九月工竣而崔公去士紳承其志佈告招生於十五年春告成立焉

#### 區立第四高級初級小學校

名稱 原爲方家營舊縣營兩村初級小學校現改名威縣區立第四高級初級小學校

地址 在城東方家營校基東西長三十餘丈南北寬六丈許校舍三十二間  
職教員 校長一人教員四人

組織 學生分兩級教授高級生兩班初級生四班

經費 分爲兩項甲基本金學田地壹頃零四畝乙常年收入學田地租三百二十元田房牙用四百五十元縣款補助壹百三十元學費二百元雜收壹百五

十元共壹千二百五十元

### 歷史

此校成立於民國十三年八月先是方家營舊縣營有公地一段民國四年卽其地建房八間成立兩村初級小學校至十三年春諸紳董爲擴充教育起見議卽該小學增築房間添招高級班於一月間組織籌備會謀進行之方一面募集開辦費一面稟明教育廳旋由各界捐助共得大洋一千四百四十三元五月間又蒙教育廳批准備案遂於是月招生授課焉至八月十五日舉行成立會卽定是日爲本校成立紀念日

### 附 教育局之新建設

(一) 平民學校改組 平民學校原附設於圖書館內然屋宇狹隘不易擴張教育局擬以明倫堂東端二楹添設平民學校管理由教育局負責教授由師範生擔任既省經費又專責成收效當更廣矣現正打造桌凳豫備添招學生云

(二) 全縣學校成績處 教育局查視縣屬各校悉知一般心理非有所觀感有所比較必不能啓其競爭心以速進步因擬以明倫堂西端二楹爲全縣學校成

績處搜集各校成績存儲陳列任人觀覽以啓其競爭之心現已打造櫃箱不日開辦

按教育局前有舊明倫堂一所凡五楹歲久失修棟折椽崩勢將傾圮民國十四年六月邑侯崔公見而惜之曰審視其坍塌乎遂撥款三百元令教育局長徐步湘鳩工修繕拆去前部鼓蓬築短垣爲基上安隔扇內部缺者補之殘者更之至八月工竣而崔公去職徐局長思利用之乃有以上之建設

(三)女校添招師範班 教育局長徐步湘於調查之餘知女學不振由於師資缺乏故謀添招女子師範班以培師資先於民國十四年請崔縣長撥款五百元建築教室三楹現以經費有著定於今年暑假內招生 地址附於縣立高級女子小學校內 經費牲畜稅贏餘每月京錢九十吊



威縣縣師範職業高級學校第一覽表

| 學名                   | 事名     | 校長         | 教員         | 學生數       | 級數 | 校舍 | 經費   |      | 資產   |    | 成立年月  |
|----------------------|--------|------------|------------|-----------|----|----|------|------|------|----|---|
|                      |        |            |            |           |    |    | 入歲   | 出歲   | 基金   | 產田 |   |
| 縣立高師<br>縣立職業<br>縣立師範 | 縣<br>縣 | 蔣樹亭<br>高之森 | 孫繼祥<br>劉芳華 | 四五<br>九   | 一  | 一七 | 六九六  | 六九六  |      |    | 民三  |
| 縣立高小<br>縣立文字高        | 縣<br>縣 | 蔣樹亭<br>胡廷清 | 孫惠蘭<br>張羅以 | 一四八<br>二五 | 三  | 一二 | 六九六  | 二三七〇 | 三八六四 | 一九 | 民十三<br><small>年<br/>民國二十九年<br/>民國三十八年</small> |
| 縣立第一高                | 縣小學校   | 沙清臻        | 劉雲祥<br>任心洗 | 九六        | 二  | 三四 | 六七四  | 九五六  | 二九   | 五  | 民六  |
| 縣立第二高                | 縣小學校   | 李之楠        | 胡冠霖<br>梁福恒 | 九八        | 二  | 五八 | 一七三九 | 九三三  | 二四八三 |    | 民四  |
| 縣立第三高                | 縣小學校   | 王永錫        | 李芳青<br>王忠信 | 六五        | 二  | 四二 | 六八   | 九三三  | 二五   |    | 民五  |
| 縣立第四高                | 縣小學校   | 賈萬龍        | 王博文<br>張塔基 | 八三        | 二  | 三一 | 一三〇〇 | 一〇四  |      |    | 民十三   |



## 威縣公報社

沿革 威縣公報社之成立約經過三時期民國以來在城紳董暨諸學子咸知維持風化傳布文明端有賴於報章徒以需款無著未能措手俟是迭經討論卒於民國十三年冬議定章程數十條作報社椎輪新志所載者是也是爲發生時期民國十四年三月邑侯崔公蒞任即謂推行新政則言論機關必不可缺諸紳董知機會可乘亟請於崔公撥款五百元聘王君紹庭李君盛澤籌備其事旋王君以事赴津去李君俊魁繼之繕房舍購機器備什物凡三閱月而規模粗具是爲籌備時期是年七月一日開始營業發刊第一號公報且定是日爲威縣公報社成立紀念焉是爲成立時期

地址 設在城隍廟內凡佔用戲樓一座鐘鼓樓各一座西廂七楹東屋三楹

基金 現由縣署撥到一千三百三十元較原定基金二千元尙欠六百七十元

組織及職員 經理一人總管全社事務社內又分兩部一編輯部編輯主任一人庶務一人書記一人一營業部工師一人助手二人工徒三人

## 圖書館

歷史 民國十四年春邑侯崔公蒞威伊始即言設立圖書館之必要以爲傳播文明最爲利器是年三月命教育會副會長賀鵬振籌備其事指定關岳廟前部戲樓爲館基撥款三百元爲繕修費遂求材問匠閱兩月工竣開會告成立焉

地址 本城南街關岳廟內佔用戲樓及南側小樓共四間其房間分配如下 事

務室一間 藏書室一間 閱覽室兩間

經費 每年二百四十元由牲畜稅附捐項下撥給

職員 主任一人事務員一人

書籍 館中現存各種書籍及卷數列表於左

| 種 類 | 卷 數 |
|-----|-----|
|-----|-----|

|        |        |
|--------|--------|
| 神學及宗教學 | 一百三十四卷 |
|--------|--------|

|        |     |
|--------|-----|
| 政治及法律學 | 八十卷 |
|--------|-----|

文學及語學

二百九十八卷

小說類

一百八十四卷

哲學及教育學

一百四十九卷

數學理學醫學

一百九十六卷

史地學

六十九卷

實業藝術學

七十一卷

社會經濟學

四十一卷

兒童用書

三百五十六卷

雜誌

一百零七卷

按此館成立崔縣長原定開辦費一千二百元以一部打造器具餘悉購置圖書  
僅撥給九百元而崔公謝事去又大半爲製器所用故購書無多  
又按上所列館中存儲書籍由於官款購買者半由於士紳捐助者半而捐書最  
多者惟張晴園楊岫荻兩先生

人物

劉審字仲達掌史村人也清世宗雍正初元承康熙寬縱之後思整飾紀綱變移風俗著聖諭廣訓頒行天下雍正九年詔各府州縣遴諸生品學優者佐宣聖諭廣訓審實應其選又三年詔佐宣聖諭廣訓者選儒學副堂審念無功而冒賞賊道也遂辭不赴審爲學務得其理不沾沾字句間應童子試爲學使楊賓實先生所賞拔補邑庠生旋食廩餼先是童子試廩保用押索青蚨數百枚爲酌先生曰此選舉中陋規也必革之同輩或不欲弗顧也其守正道而淡於名利也如此審既不仕遂以課徒育才爲事設帳於外而不忘其親凡蔬果錫餌時所應需而力所能致者無不備致奉親之外兼以奉兄蓋天性孝友且將以身所行者爲生徒則也故從遊之士多敦行誼獲譽於鄉黨其兄之子若愚攻顏李學者也嘗曰吾一生治身修學之術實以得自吾季父者爲多審卒於乾隆三年年六十有二

高來燕字聘廷北高莊人清邑庠生爲學以實用爲主不屑屑於章句滿清之末西學東漸士風日趨新異吾邑學子仍多墨守八比文六韻詩日吟哦於荆扉茅屋中

高君嗤之曰今何時乎而猶思向帖括中求生活耶俄變法令下高君聞而雀喜亟請於其父化成先生欲出洋求有用之學顧囊空如洗徒相對歎歎奈何而已南宮趙漢周者義士也壯君之志貸巨款始克遊學日本畢業於其東京宏文學院之理化專修科歸國後毅然以提倡新學爲己任迭執教鞭於良鄉南宮及本邑之高等小學校循循善誘必使諸生明了而後已一般青年皆知向好新學風氣爲之頓開高君事親孝事孀嫂盡禮而自奉儉樸衣服飲食適可而止不求華腴制行醇篤尤足爲後學所矜式宣統末充保陽優級師範附屬小學主任擘畫周詳成績爲當時第一竟以積勞成疾民國九年卒

劉琬字伯玉杖溪先生諸父行也幼年喪父遂棄儒理家務勤操作儉服食積田至百餘雙一村稱富室焉嘗自恨未能讀萬卷書開擴胸襟故見子侄輩勤讀則喜譽之不絕口倦者斥之或貧將廢業又憇息之資助之務使不失學以成就其人杖溪先生即賴琬資助始得肆志于學者也性剛毅耿介自持不親勢豪與鄉人處見不善直言斥責不少寬假雖聽者弗堪不顧也然慷慨嗜義喜濟人之急當時戚友以

至鄉黨孤寡依琬而有屋以居有田以耕有財賄器具以嫁以娶以殯葬者殆數十家袁正起琬執友也嘗謂琬之子審曰康熙甲子非若翁吾一家填溝壑久矣其爲人感慕類如此琬又嗜酒每遇知友必傾巨觥痛飲談笑徹夜不休雖酩酊不道狎褻語其凝重亦迥異常人云

高慶阜字化成北高莊人幼而凝重性穎悟喜讀書弱冠卽有邊腹便便之譽始應童子試志銳氣豪意非第一人不屑也程文極佳爲學使所賞乃以犯廟諱碍公例被黜慶阜憤甚遂絕意舉子業思紹乃祖若父以教育後生爲事遂泛濫於諸子百家而尤精意於春秋蓋高氏世治三傳循流者固貴溯源也是時邑中素封之家凡欲光大門庭爲樹人計者爭延慶阜爲子弟師慶阜內行尤謹孝於親友於弟門庭之內怡怡如也

房樹華字時榮寺莊人前清太學生也幼赤貧棄儒習陶朱業權子母積錢至百餘萬然飽歷苦辛知致富匪易故生平持節儉主義一文不敢浪費遇地方公益慨捐巨款亦未嘗有各色樹華明敏有斷能炤見事先清光緒庚子拳匪之亂焚教堂殺



教民慘無天日無知者靡然從之樹華曰此匪徒也不可近督率團丁防禦截堵一方民教賴以相安道尹龐鴻書表其閭曰義能超俗又賞五品頂戴景廷賓事起亦因樹華先事擘畫多方維持得免於禍至今鄉人猶樂道之

周鼎九字在人涓上營人也生稟至性事親能得其歡心父病侍湯藥必親嘗而後進父歿哀毀骨立幾至滅性事繼母曲意承歡以慰其心故戚族翕然稱孝子鼎九少聰慧從廣宗鄭元善遊弱冠補博士弟子員清同治中鹽臬宋景詩等與教匪捻匪縱橫畿南鄭元善奉命辦團練招鼎九爲之助依任如左右手且薦爲繼任之人旋被舉爲二十八村總團頭督飭勇丁捕滅匪氛威縣南部得慶安堵皆鼎九之力也鼎九性正直以古道自持與子言孝與弟言恭恒以厚風俗爲懷鄉人有糾紛事無大小必力爲排解人亦尊信之雖爭潮風湧鼎九至以片言折正無不悅服言歸於好蓋其德望有素孚乎人者矣

紀懷寶字濟卿舊縣營人前清太學生誥封武德騎尉天性孝友治家嚴肅尤慷慨樂施與少喪母事繼母如生母奉侍左右愉愉如也未嘗有疾言遽色有弟懷琛早

亡婦李氏孀居無子女懷寶禮遇之同居數十年無纖介爭鄉人高其行呈請上憲徐大總統以孝闕流芳旌其門用爲世勸焉

傅永亮字濟哲沙河舖人清太學生弱冠喪父事母以孝聞守母訓終身不近烟賭之場弟永輝早卒遺孤太慶始五歲以教以養視如己子流氓之亂提携衛護鄉人目爲今之鄧伯道所謂流氓者卽宋景詩輩也同治初肆擾於燕魯之郊劫掠村落十室而九空獨永亮家獲免賊去後村人斷炊嗷嗷待斃永亮曰吾忍獨飽視鄉人作餓殍乎盡出所存穀數十袋散給村人嗣是每年春輒出穀棉任村人借取用作母錢以維生計暨秋成償則收之不償從不過問也沙河舖濱漳水故渠舊有樂善橋坍塌畝仄行人苦之永亮倡議修復焉他如掘井補路凡有益於公衆者永亮捐巨資前後不下數十百緡憫村小而貧無力延童子師開別業一所命猶子太慶教村中子弟其中二十年未嘗名一錢也晚著俚言三十六聽一冊固鄙俚矣其宅心忠厚可概見云

列女

傅永輝妻石氏幼嫻詩書于歸後以賢孝稱永輝有兄曰永亮娶李氏亦淑惠先後和睦無間言石氏生子女各一人而永輝卒是時寡姑在堂氏乃罄所有田產贖財付夫兄主持謂李曰嫂無出女也長嫂女之子幼弱吾自育焉乃移其衣衾與寡姑同室居自茲絕口不言家計而日以養親教子爲事如是者二十年無倦容氏嘗曰古婦女以賢孝稱者代不乏人而今寂無聞焉豈古今人不相及哉抑亦近世婦女讀書者少無所感發故耳乃輯古賢婦淑女可爲世法者數十人爲一書曰真節賢孝卷戚族婦女往來其家爲之解說誦讀務以賢孝相敦勉其貧窘不克自給者出所有以相恤又未嘗有吝色也鄉人欽慕之至今樂道其賢子名太慶邑庠生世居邑東沙河舖

朱彥貞妻尹氏孝婦也彥貞東蘆頭村人服田力穡家道小康氏佐夫持家政摒擋井井事翁姑殷謹晨饘夕膳從不假手他人恐其粗疏戇愚或忤翁姑意也光緒十四年彥貞卒其父年七十餘氏事之尤慎于夫在時平日清省疾侍湯藥皆先意承志不使堂上有幾微不豫色翁年九十九而卒氏事之二十年未嘗有懈容也翁嘗

曰媳大孝吾思也無憂吾養也無缺故得享大年不然人生七十古來稀吾墓木且拱矣今氏死有年而里人娶婦輒祝曰荷天之寵願得婦如朱家婦女與婦相戒勉亦必曰朱家母非我曹模範乎效其一二稱賢孝矣其誠孝感人而爲所景慕如此尼經魁妻李氏南宮開河村解元佩庵先生之妹也年二十二而夫卒一女甫二齡氏矢志靡他以孝事姑以慈待下親族翕然稱之卒時年七十有四清光緒己丑督學使者周旌其節孝

節婦表

姓氏

立節年

守節年

旌表年歲有無

賈月聰妻郝氏

三十

五十四

王攀瀛妻薛氏

二十八

五十八

王玉琨妻郭氏

二十七

四十九

王長春妻高氏

二十八

三十四

郭遐齡妻鄭氏

二十一

十四

光緒庚辰縣學  
表以節孝可風

郭中慮妻馬氏

二十四

四十六

五河口重修東嶽廟記

碑在小河集廣平府學訓導江右永豐縣鐘文撰明正德十四年重修建立碑旁有大金章宗勅修大元至正三年

年重修 大明弘治十八年立石等數十字

重修古刹彌陀禪寺碑記

在章華堡東門外明萬曆乙巳季春立

王鳴鳳墓碑

在趙牛村清光緒二十四年立邑人魏汝紹撰文略言鳴鳳邑庠生醇朴好學年二十四而卒妻張氏守志事舅姑且教嗣子成立云

創建義學碑記

在魚台村清光緒十三年立

詳載恩賁進士安桂清候選教諭施地五十畝錢壹百吊陳丕顯施錢壹百五十千

文生李和平施地一十一畝五分安盈波大畧施地八畝又二畝

安懷芳安懷秀施宅基東西活八步一尺五寸安啟敬施宅基東西活三三小尺八寸

魏五奇施宅基東西活三三小尺八寸南北活均十三步理事人安輝章李和鳴等十七人

賈母郝孺人墓表

民國十二年立邑人尚希賓撰約言節婦姓賈氏父月聰母郝氏二男一女均夭惟節婦存節婦七歲喪父母郝氏連遭喪葬水氏

盜賊荒旱困苦不可言狀卒撫節婦成立長適城內李文思生一女而文思卒節婦志如其母人咸稱之民國九年七月郝氏卒春秋八十有四節婦哀其親無子嘗

欲舉男子義所當為者以身任之云云

和母孫太孺人墓表

邑人尚希賓撰略言孫太孺人威縣名士和然亭之母性勤儉明達善於治家且善於教子云

和然亭先生墓表

與上和母孫太孺人墓表俱民國十五年立

君姓和氏諱茗芳字淑薰然亭其號也以廩生中任寅併科副車光緒末朝廷銳意變法凡人所賦怪錯憚而不知所爲者君皆以智力決之故吾邑學校之興君功爲稱首性渾而聰工書善篆刻書無所不讀雅愛老子管子城闈迤南闢別業一所旁蒔花木中儲琴棋書畫諸物事有明窗淨几之樂日坐嘯其間不厭也光緒三十四年以疾卒年僅三十有八著玉燭軒詩稿若干卷君固非無意於世者而終齋志以歿惜哉同邑尙希賓君同心友也嘗傳其行事矣今復表墓且綴以銘銘曰純任自然人貌而天慕君風義吾爲揭櫟其阡

羅教士祠堂碑文

光緒二十九年立知直隸冀州事保山吳巖撰

光緒庚子夏燕薊奸民假仇教之說與歐美各國教士構難奉教之華人受害者尤衆當事檄調諸軍且勦且撫擾攘經年始漸戡定景廷賓者廣宗縣武舉家居多不法虎而冠者也辛丑冬假公事與邑令抗令上其不法狀奉當事檄捕治之索之急

仍假仇教爲名揭竿爲亂此壬寅正月下旬事也時防汛諸軍去廣宗不二百里金鼓聲相聞亂方作兼程往勦蹙之於廣宗之東召村討平之景逆固兇狡事急乘間免脫蜷伏草澤間潛結亂黨意圖再逞諸軍甫撤歸伍突於三月中旬倉卒起事威鉅諸邑奸民紛起應之愚民爲所煽惑者更難數計蜂屯蟻聚不數日而逆燄大張匪惟仇教勢且仇官甚至募兵營弁與徒手應募新兵爲所戕害者不下數十人反狀盡露只託詞於仇教耳威縣張家莊故有法國天主教堂法教士羅君歸自大名與亂黨適相值遽爲所害僉從二人並殲焉當事飛章入告檄調騎步諸軍刻期進勦亂黨麇集於廣宗之件只村我軍攻克之草薶禽獮悉就撲滅景逆潰圍出未幾亦就禽寘諸法當事以景逆雖伏誅而羅君以傳教遠人遽罹慘禍揆之地主之誼殊覺歉然且奉有法國教士羅澤溥無辜被害深堪憫惻飭卹卽卹爲殯恤之諭檄余與獻縣總堂主教籌所以殯恤之者余以死者不可復生計惟妥其幽靈於義爲當張莊爲羅君乘鐸地吾民奉其教者十居八九議於張莊購地建祠卽於其地葬羅君而以同難僉從二人附葬其旁庶慰其生前勸人爲善之心且以示皈依其教者

曉然於國家懷柔遠人無所歧視予昔權獻篆與主教馬君總鐸葛君故相善兩君不以余言爲不然悉如所議復以鳩工之事相屬重違其意乃上所議於大府蒙頒白金五千兩尅日興工祠旣落成葬事亦畢馬君自獻致書以刻石之文請迺志其緣起如右俾後之覽者有所攷焉

劉名玉字揚我章劉村人家貲累鉅萬然芒履布袍逍遙於村頭田畔見者不知其爲富翁也顧自奉雖薄至婚祭之事族黨之恤必盡情盡禮又絕非彼慳吝號錢奴者所能企及殆孔子所謂富而好禮者歟性慷慨見義勇爲里有人負名玉債鬻子以償名玉聞之曰吾忍以數兩金析人骨肉乎却不受且厚恤焉仲兄抱玉傭奴王儉以暴疾卒族人視爲奇貨興訟經年幾成疑獄名玉奮袂而起兩造永年王公三謁廣平張守力折群議卒白其誤伯兄之子派久名孝廉也以事株連干廷憲下獄幾遭不測名玉走京師幹旋調護事竟得寢其濟難解紛大有古俠士風郡伯龍公納銘義之特旌其門

按劉公事迹新志金石類略記梗概而以不得詳述爲憾茲幸公之後人以事狀



來急擇志所不詳而可爲世法者數事點竄成文用補前憾云

劉橋桐字虞琴章劉村人文武庠生詩書禮樂刀劍騎射無不精通喜遊歷與劉子調贊相友善曾同赴保陽訪李恕谷問學云

南里村去縣城東北二十里亦名大廟里村村中舊有玉皇閣廟基宏闊村因以名廟內有古槐一株枯而復生頗可異也村人張丕基先生有古槐記云吾村初級小學校爲玉皇閣舊址中有古槐一株大可合抱不知植自何時詢諸父老僉曰此廟創建於萬歷年間槐之植亦當在此時也宣統三年春槐中火出其朽腐者皆成灰燼僅餘其皮吾聞之淮南子云老槐生火其信然歟村中父老撫摩枯株莫不相與惜之迨民國六年改建學舍屋宇牆垣煥然一新而庭中古槐亦復生梯越數年枝柯扶疏鬱茂葱葱龍童童如車蓋焉其老幹高聳若蚪龍盤曲而昂其首洵鄉中一奇景也昔田氏合資而紫荆再生士雄廬墓而死槐又茂今學校始建而枯槐復榮兆當不惡或吾村學風將日發達以放異彩乎企余望之矣喜而爲之記又從而謂曰鬱鬱葱葱綠樹陰濃莘莘學子遊戲滿庭盤根錯節銅柯鐵幹除却松柏誰歟爲伴

古蹟古槐當共保存勿剪勿伐尙賴後人

行一孫贈君墓表

贈君諱九經字行一姓孫氏世居威之後蘇莊村幼有異稟十四歲應童子試能暗誦五經年十七遭父喪哀毀不自勝自是累於家務不克竟所學然以誘掖後進教育子弟爲己任繕學舍聘名師成立鄉塾前後近三十年無倦容見有韶秀子弟年屆七八歲必力請其父母俾入塾讀書且督之嚴以故人才成孰較他塾爲多光緒某年學使按部臨塾中獲雋者威廣兩邑多至十八人是時泥金帖子張壁上幾滿贈君捻髭笑曰學士登瀛於今再見吾輩讀書雖不必盡爲科名然博得一第爲父母歡且使廢學者知余之勤勉讀書非多事則吾願畢矣其極力興學始終罔懈類此民國九年大旱荒匪氛四起擄人勒贖不勝計時子裕堂主文學講席於縣立高小學校屢請避亂城中而匪適於九月九日夜擄贈君去守以二賊贈君手斃其一未及逃爲群匪所知遂遇害裕堂聞憤不欲生百計稟獲案匪七八名置之法卒以洋八百五十元贖贈君遺骸以葬距生於咸豐六年九月二十六日享年六十五歲

配于孺人繼配張孺人子二長繼統邑庠生次繼綽卽裕堂光緒癸卯科臚錄丙午科考職巡檢分省山西女一適今教育局長徐步湘贈君入贊爲太學生以繼綽候補巡檢得贈登仕郎先是裕堂痛贈君死於非命思有以表彰之而無其途會十二年余與王伯廉先生纂修威志裕堂旣得伯廉先生爲家傳並登諸邑乘而以表墓商之余余謂孝子欲顯其親及不敢私美其親此義凡能文者類知之裕堂從余學復私淑桐城吳摯甫先生以古文辭鳴於時固深知此義者爰就彼所撰行狀撮厥崖略俾揭櫫其阡用塞裕堂之悲且俾世知推崇文士獎勵後學者不食報於其身必食報於其子其理若操券以責之償終弗或爽也同邑尙希賓表